



89669

趙氏淵源集

古墨齋藏板

趙氏淵源集目錄

卷一

歌閣集錄三十七首

文燕齋遺稿錄四十四首

卷二

環石齋詩集錄一百三首

卷三

星閣詩集錄四十四首

卷四

星閣詩集錄六十九首

趙氏淵源集

五松遺草錄十九首

漱芳居遺草錄七首

梅軒草錄六首

耕氓草錄十一首

卷五

甄溪小稿錄五十五首

築巖詩集錄四十三首

竹坡小草錄十一首

卷六

肖巖詩鈔錄九十五首



月巖詩遺錄三首

卷七

台巖詩鈔錄六十首

繡餘草錄四首

馥雲軒詩集錄二十五首

卷八

懶雲詩鈔錄四十首

倅堂詩鈔錄六十首

龜山遺草錄七首

竹廬詩鈔錄三首

趙氏淵源集

卷九

葵陽詩鈔錄二十三首

柳蔭居詩草錄四首

省齋詩鈔錄二十八首

枕山面水草堂詩鈔錄五首

雲閣遺草錄五首

卷十

古墨齋詩鈔附錄八十六首

肯堂詩鈔附錄十首

趙氏淵源集

卷一

紹祖手鈔

男國楨校

趙司直

懷寧黃崇蘭填諱

字維生前明歲貢生兩中副車

有聲復社與宣城沈壽民貴池劉城吳應箕

及同邑萬應隆等交最厚咸以道義相切劘

不在文章聲氣也鼎革後隱居不出年九十

六卒著有歌閣集歌閣雜誌

沈眉生曰維生以偉文淹識起溼上同社之士

引而重之不獨以制藝雄

又曰五七言近體大雅不羣不染近時習氣萬道吉曰維生詩古文合集俱能宗法漢唐余曾為敘

之竟堅不肯出以問世侯晋水曰維生詩命景抽靈匠心軌哲

趙氏淵源

又曰余澄官溼上饒其鄉先輩張東山里音集為刻賞音維生詩在焉益最為全集中之冠冕

山槃

荒々半畝畦林々數竿竹清風起碧潯延引到虛

屋遊魚傍石梁識我履聲熟高吟出短牆清夢過

殘菊舉止絕將迎神情無局縮庭空落葉多寂歷

媚幽獨

偶成

荷鋤出青松峯々饒清味貝象與梵聲領畧了魚

謂鳥啄破厨壑雲濕荒塗扉清磬敲月殘蒼岳入

夢未一峰掛屋簷解處偏在憤

吳次尾曰絕似柳州

寄考叔仲氏

時令岳陽

雅志在林邱。披襟月可掬。鴻波漾千頃。短楮若為求。煙色籠寒衙。琴聲出淺竹。休沐理瑤葩。清潔媚幽獨。

同結山林盟。君為五斗去。孤鴻歎索居。遙思起雲暮。吟杖獨自携。花圖誰與賦。夢中折驛梅。遙寄江天路。

壽破元翁

破元幽棲幕麓一。鳴風霜半窓。烟雨顏壁

單凋怡然自足。今屆八旬。予不能以天台

趙氏淵源集

桃作伊蒲供。聊將冰雪數。行以當雲璈。西

去

古木攢枯巖。雅稱混沌穴。日同瑤鶴羣。獨與梅花

子。兩袖暮山煙。一筇清磻雪。紫芝難記年。尋采尚

未輟。

周蒼泉曰冷然有生氣如讀左太冲招隱郭景純遊仙

別墅

獨鶴寄紫蓼。清霜蔚近郭。山意淡明燈。煙霧光差錯。幽夢過殘香。遙懷寄墜籜。獨坐校遺編。白雲當窓落。

響山

涇川流瀨。砥柱回獅峰。羣山咸奔赴。俯視若兒童。孰知神力巧。外實而中空。日月無華照。樹木盡鬱蔥。攀崖尋石窟。徑盡不知窮。向下歷無際。轉出前山東。險絕鳥難度。接引風入松。他遊有定指。此地隨所逢。誰從冥理索。于焉留洪濛。

萬道吉日
氣味幽深

暮秋山行

風緣締草木。老至倍情濃。野店荒橋月。霜溪落葉風。遊魚戲池北。倦鳥過籬東。偏是村家致。翻勝剪綵工。

沈眉生山莊

趙氏淵源集

三

冥鴻不受慕。宛在水雲間。孤性嘗憐鶴。清光獨占山。路由溪曲轉。門為燕呢闌。晤夢此中足。青松未改顏。

菊

數點園林雨。枝不自禁寒。香留歲晚幽。艷逼秋深獨。秉風霜節高。傳隱逸心冷。籬甘自守。未許徑蕪侵。

萬道吉日此雜生
自道其志如此

散步

柳色當窓覆。好風吹自東。舊懷隨野鶴。晚興寄孤桐。曉雨半峰綠。夕陽千樹紅。相携呼解杖。囊盡不

知窮。

村隱

灌菜吾何事。松風觸石喧。殘書留白日。明月老黃
昏。水抱雲為榻。山環柳作門。一橋斜斷處。紅葉罩
前村。

巖棲

四圍雲作蔽。依木遂成家。幽夢驚飛蝶。閒情趁落
花。風吹新月出。石逼老松斜。徐步青苔上。歌聲出
晚霞。

沈眉生曰吐納雅
雋鏡有自然之致

和吳同甫幕山原韻

趙氏淵源集

誰共溪山約。相隨步履勤。亭空先駐月。石老任堆
雲。清咽含風竹。長歌亂水濱。栖迷烟樹外。一鳥度
斜曛。

過梅朗三山莊

徑盡復開徑。茅廬依古楓。觀花方辨歲。候日始知
東。山抱松門外。溪流槿戶中。隔林人不見。遙與白
雲通。

周蒼泉曰非久于山
居者不能領畧此味

贈左俊公

殘卷猶盈壁。寥々莫送窮。溪流寒樹外。人在暮山
中。竹戶隨風閉。石牀與水通。悠然抒嘯咏。清氣滿

林東

贈鄧明府偉男

布象懸皇古。揮琴不在絃。百花籠小郭。雙雉戲新
汗。湘水薜蘿雨。吳江詩畫船。一腰恒自惜。五斗豈
徒然。

秋渡賞溪

城煙繞樹碧。一水中分之。急瀨去鷗疾。平沙歸雁
遲。詩隨新葉迥。酒與落花宜。短棹依孤岸。深情草
木知侯晉水曰語。慳
知心結句尤見深致

寄宛陵諸友

趙氏淵源集

一

五

蒼葭宛在意。蕭森砧響秋。山到處琴兩地。薜蘿分
素影。遙天梅鶴伴。孤襟西風古道千行。淚夜雨寒
燈。一片心。咫尺溪山如我限。空牀月落夢相尋。沈眉
生白

情真語摯讀
之令人生感

贈黃少府

紫霞爛熳喜重逢。名在崧高第九峰。奪席譚經方
鼓箛。揮絃掃榻獨吟松。潁川治績傳家譜。江夏遺
文擅雅宗。枳棘實非鸞鳳托。簾花且自醉春濃。萬道
吉日

典麗
春容

贈王繼之道憲

誰把輿情上下聯。皇華到處聽傳宣。半天雨露監門。疏千里。金湯黃石編。鴻雁頻年哀集宅。萑苻五夜靜無煙。隣疆羽檄紛飛至。一紙猶勝十部賢。

寄方咸九

時出鎮東魯

煙亭幾共挹蘭馨。車笠參差興偶分。別夢應逢青海月。吟情半寄公峰雲。鼓鞞暇處延幽客。指畫閒時理舊文。日暮江天望欲盡。寥々孤雁一聲聞。春風少屨屬何年。寥泬秋思劇可憐。放眼直吞東海濶。掀髯應踞岱宗巔。情牽楊柳遙天月。夢度梅花幾處烟。為望鴻飛淒欲絕。何時詩酒續前緣。周蒼泉曰

趙氏淵源集

卷一

六

五六言情委婉不減渭北江東之句

上徐開府

繡衣持斧作干城。半壁南天隻手擎。羽扇指揮營壘肅。胡床譚笑漢江清。遙傳部下劉公紙。不數胸中范相兵。皖水黔黎涵化雨。冰壺春湛綠盈々。

上某郡侯

孤懷一往寄松楸。皂蓋遙臨興自道。澤國鴻名追謝庾。西園才子憶劉川。巖畫入奚囊貯。花鳥猶供彩筆求。邈々芳踪何處問。陵陽溪畔溯風流。

壽鄧比部

卿雲爛熳繫何年。計部高懸尺五天。香落桂枝傾
琬液。金開菊盞照華筵。周官食貨通王會。節使均
輸制國權。幾度春光涵市巷。一簾風月帶桃煙。周蒼
衆曰

典重高華
李何遺響

贈鄧偉男明府

一泓沆瀣覆琴室。激灑流光韻自長。讀法訓行周
六德。除苛網解漢三章。雲連桃李開芳錦。水湛芳
洲接菰蔞。休沐花前逢鳥語。春風拂處聽笙簧。萬道
吉日

莊重典則有
盛唐風度

偶憶

趙氏淵源集

卷一

七

青山拱揖抱孤村。擾々風塵獨閉門。難把歲華留
白髮。勉將詩卷伴黃昏。到家漫自嗟裘敝。入世空
云有古存。煙樹蒼茫迷野水。滄江何處弔吟魂。

春日幕山

山氣空濛愛夕暉。亭臨絕壁翠平分。一欄草色時
侵座。兩屐苔香漸裏雲。風掃竹磯開蝶路。煙衝帆
影散鷗羣。揮杯共擬抒狂嘯。驚落桃花亂水濱。侯晉
水曰

琢句秀
情可愛

贈侯明府晉水

鮮襟桑下聽流鶯。煙雨隨春注錦城。傲性不緣升

斗。絆。孤。懷。偏。向。薜。蘿。傾。縵。囊。白。雪。干。秋。事。明。月。黃。
花。十。載。情。到。處。溪。山。留。屐。影。寥。天。獨。雁。叫。輕。清。

弔葉虞工葉任意
都令

淒涼琴卷挂殘帷。聲斷山陽草木悲。嶽麓寒風吹
鵬夢。荆門夜雨滴羊碑。一肩遺素片雲共。百里歌
謳枯竹知皎。清名天亦忌。吁嗟廉吏果難為。

口占

破蓑不耐寒。敗葉聊相補。閉戶敲殘碁。茫然忘舊
譜。劉良弼曰
古音古節

善彈不在琴。解意不須讀。松際起孤煙。青山半壁
趙氏淵源集 卷一 八
足。

客夜聞笛

山雨孤燈照夜愁。天涯吹出故園秋。煙波夢裏難
尋覓。風送梅花到嶺頭。吳次尾曰有龍
標供奉之妙

送高念祖

郢歌遙寄水雲邊。履敝書殘不記年。日暮飛鴻何
處去。春衫典盡正無錢。

當筵一曲酒頻傾。落葉江天起雁聲。客路淒清情
未已。勞。亭。畔。月。三。更。周蒼泉曰
清韻冷然

輓左公遠

風雨相聯夜話長。孤燈深照讀書堂。文章遼海秋風濶。空把鬚眉付雪霜。周蒼泉曰千古讀書人同此一歎。

趙崇禮字谿叔。前明諸生。幼穎異。七歲即工書。及長。深入二王之室。為人孝友。篤親誼。凡有所求者。無不應。遂至貧。不自支。詩尤清雅。而頗為書名所掩。然知之者。嘗有書不如詩。

不如人之歎。歿後百餘年。其姪元孫校與其弟曙暉。同刊其遺稿。以傳。皆采之公所自書。

名文燕齋遺稿。

偶菴曰。谿叔著作等身。無力付梓。世所傳者不及十一。而光氣態。自不可掩。世徒

知重谿叔之書。不知其詩品實在書上也。鄭漢林曰。谿叔風致高峭。如翠釜駝峰。瑤觴法醞。兄樊川而弟山谷。

趙氏淵源集

卷一

九

采石謁青蓮祠

野日澹深松。荆榛集寒路。荒涼供奉祠。秋聲不可度。入門拜像餘。吁噓但增慕。文章一世雄。風霆遜馳騫。當其詠清平。醉眼浣輕素。愛君婉直姿。飛燕何妨忤。萬乘如僚友。餘子安足數。桓桓郭汾陽。早膺巨眼顧。豈善人倫鑒。復受永王誤。流言聽已焚。夜郎萬里赴。有才豈必用。誰窺造物故。至人妙用潛。馬識去來處。騎鯨固荒誕。且足快心懷。嗟我燕鷗儔。來讀大鵬賦。薦以江東雲。酌以黃花露。秋思浩無窮。大江起煙霧。空山魂莫招。吾從江月去。新制有力

一結正
復悠然

景哲叔翁招飲桃花洲

西郭有佳色。幽情滿羣心。短筏渡新水。步入紅樹
林。百鳥欣有止。亂雲交柴門。蕭蕭一水間。別自為
孤村。晴山動遠靄。幽光搖暮春。悠然此懷抱。自覺
多清新。遊人履相錯。及此花正繁。日入既已寂。衆
氛亦不喧。天倫樂事多。清真林下言。我愛修竹靜。
醉即臥其根。

寶劍行

我有湛盧劍。光如三尺虹。藏之三十年。矢將生死

趙氏淵源集

卷一

十

同。寶氣自不秘。竒賞終難逢。所以千載下。悠然懷
司空。世亂有前知。長鳴鼓英雄。在匣不妄出。出必
刺蛟龍。寄語妖佞儔。勿用心。膽。愔。豈有千金器。而
斫含沙蟲。此詩必有所指。今不可攷。而讀之猶凜凜。有生氣。

贈唐孝子祥宇

祥宇余世僕也。篤孝雙親。誓不昏娶。長齋
奉佛。余憫其志。詩以誌之。

我讀蓼莪詩。每為孝子泣。篇章雖復存。名姓恨長
沒。美哉唐氏子。芳蘭自天植。前身目犍連。今現優
婆塞。親思念難酬。勤理西方佛。百順徵諸顏。終身

如一日。里有至性人。風物亦融泄。往々感竒祥。不
欲從人說。我欣贈一言。用彰千古式。會有輜軒使。
更將金管述。

題永星叔藏文敏公畫竹

肝。肺。槎。牙。生。竹。石。石。室。端。明。兩。竒。絕。風。梢。玉。榦。落
人。間。一。本。爭。酬。十。產。百。後。來。鐵。腕。遂。寥々。真。賞。幽
人。長。太。息。一。朝。文。敏。蔚。然。起。異。代。三。家。爭。鼎。立。我
公。清。姿。第。一。流。雅。似。籀。龍。衝。漢。出。寫。竹。祇。如。寫。高
士。清。真。蕭。洒。無。殊。別。清。秋。佳。日。明。窓。間。甲。煎。幽々
疑。一。室。鷺。溪。精。縑。斐。几。伸。鬚。頭。童。子。殷。勤。拂。證。心

趙氏淵源集

卷一

十一

盡日支體墮。六塵當前都不識。忽然超距一揮毫。
兔起迅落寒空鶻。一竿兩竿勢千尺。青嵐帚映高
霞密。腹竒既富萬卷書。筆端始有九鼎力。須臾閣
管意。翛然妙手良工俱辟易。我公書繪喧四海。時
欣偶弄憎人乞。俗子縱贖隋珠請。松雪齋前如礫
擲。妙蹟流通四百年。玉璽金題怪完潔。神物端有
百靈護。劫火彌天然不得嗜。古如君定邁君風塵
歸抱如宗壁。高堂素壁六月懸。滿座嘉賓毛骨慄。
此君胸中空洞無一物。此君眼中不礙多榛棘。留
向空齋一月看。宛對仲連與太白。

結構完密題中曲折俱到自是老手惜不能多

耳得

秋霜閣

新竹韻琅。儵然一閣昂。涼雲流敞牖。古樹撲奇香。瀑布鳴僧鼎。桃笙就蝶鄉。霜華三伏重。何處是

驕陽。張次公曰五
六琢句幽艷

過漚和寮留宿

殘暑猶能熾。纔欣一雨收。我來尋野寺。幽處已深秋。黃獨分僧供。清鐘洗客愁。好山難遽別。自喜贊公留。

巖淨山中侶。經安偈後心。共依修竹坐。不覺夕嵐

趙氏淵源集

卷一

十二

深。歸鳥有欣色。秋林多好音。上方燈耿。幽夢滿蕭森。

花下

春園然百卉。深淺競為光。似此無人地。偏宜靜者觴。水晴歌影定。蜂飽去聲香。醉就重茵卧。花神未厭狂。

癸未夏日避亂曹溪山中漫成

急爾長投壑。居然免荷戈。病才知倚伏。老益愛蹉跎。牀帙橫魚次。村醪醉自歌。綠雲深滿室。天許獨婆娑。

柴門林影靜。深谷日華遲。雞犬有閒色。山川多古思。松風沈短葛。麥飯對高緇。不得江南信。氛銷定幾時。

門開羣鹿至。溪坐白鷗同。心在無懷世。人呼織屨翁。烽煙彌海內。骨相合山中。石粲何須咏。農謠日未終。

下士耽恬寂。山棲不厭偏。層陰生屋裏。邱壑在階前。高卧足移氣。壯心都向禪。無機隨萬物。虎穴亦翛然。

林乾維見過山中

趙氏淵源集

卷一

十三

高人愛搖落。言訪必清秋。久別仍同病。相逢暫解憂。長林雙語永。叢桂一尊浮。鷄黍蕭騷甚。貧交自可留。

起筆
趙甚

送林乾維

飛葉亂柴荆。扶衰送遠行。殘陽橫馬影。孤笈冷秋聲。君老吾多病。時艱運不平。解攜何卒。岐路各屏營。

宿觀音庵

圓月靜琳宮。溪聲聽不窮。譚深清梵後。夢在古雲中。松影冷橫榻。稻花香入空。爾時無盡意。堪語永

嘉翁

春懷

荒蘆蘿蔓合。春徑蘚文斑。地自隨心靜。身緣避俗閒。
夢長啼鳥內。步淺茂林間。觸處皆泉石。何須入萬山。

晚年無一戀。長懶自吾真。酒帶桃花澆。堦留鳥雀馴。
寥々諧獨影。好々答時人。幕席忘天地。悠然憶伯倫。

五六想見公立身獨介而與物無忤之情

田家臨綠野。春色已融々。枕擁三竿日。花深一畝宮。
鷗閒新水上。蜂醉細花中。隨意柴門杖。輕衫曳惠風。

趙氏淵源集

卷一

十四

閒雲時滿地。暗日淡浮苔。湘榻拋書倚。柴門審客開。
山光調燕語。稼事聽鷓催。自省非奇骨。無煩鑿土坏。

讀徐文長集

國士多孤憤。文人歎數奇。世無流水耳。誰選若耶眉。
磨蝎持全局。蒼筤送壯思。風流存雅譜。所恨不同時。

歎息文人業。襴楊案可忝。老牛腸斷九。俊鷲鼓撾三。
風雅鐺炊玉。聲名繭縛蠶。空餘萬丈焰。終夜照

桓潭。

同林遊五登敬亭

遠郭踏初莎。名藍載酒過。春逢山偶霽。遊喜侶無多。弱柳爭為態。新鶯薄有歌。落梅盈片石。時得醉摩娑。

三四深得遊趣

重宿般若庵

再有招提宿。寒山靜更憐。妙香聞夢後。好鳥語鐘先。清唳嚴秋壑。浮生閱曉煙。回看前度偈。小劫已茫然。

詠懷

趙氏淵源集

卷一

十五

自愛蓬蒿宅。長懷隴畝民。綠荷堪結服。白壁豈投人。松石娛晨夕。蜉蝣說楚秦。衡門終不出。未負管寧巾。

荆紫山懷張次公

搖落曹溪暮。支離肺病堅。畏人投絕壑。隻影息枯禪。耳目寂無受。心神幽以淵。千巖孤磬迥。片石一趺全。苔徑鳥頻啄。蘿窻月正圓。縈懷南郭子。清夢美人前。邁軸垂情話。修巉限嶺川。名園秋似水。閉戶懶于仙。虛閣無邊爽。高春不礙眠。雙童劬縛帚。小婦早裝綿。橙橘林香遍。芙蓉岸錦聯。貌應詩後。

瘦筆向醉餘。顛自愛潛虬遠。都将害馬捐。蔽筠逋俗客。仰哲賦忌元。雀舫丹林下。漁竿白石邊。清歌空谷答。野步晚花牽。豈是雙龍氣。偏遭一鷄憐。歲寒知竹柏。古處郁椒荃。簡畧同孤意。文章示別傳。吁嗟稽叔性。敢躡祖生鞭。道淺情難刻。宵長酒復蠲。魂空迷別路。愁不待聞鶡。擬志青蓮界。長繡白馬編。柴扉開雪後。倘棹興來船。張次公曰。排比工穩。中特饒風韻。

花朝

晴光婉々漾村沙。皂帽風中玩物華。綠草幾朝盈澗戶。孤雲終歲戀山家。春懷懶似三眠柳。野醉濃于百種花。落日蒼茫烟火動。閒從林叟話桑麻。張次公曰。

趙氏淵源集

卷一

十六

絕似陸放翁

施尚白司寇過訪文燕齋兼貽天都遊草

殘春風雨久淒淒。乍見晴光出浴鷗。窮巷應門無稚子。華裾織翠遲昌黎。荒齋兼玉驩如故。黃海珊瑚袖自携。一榻茶煙留日永。杖藜送處夕陽低。

秋園

林楓欲紫蓼花紅。秋氣蕭々落日中。虛織誰教勞絡緯。孤生自易感梧桐。坐臨流水餐蘋廢。詩愛寒山誦不窮。歲儉身慵重九近。羞將衣褐語賓鴻。三四組織

工巧而
不落纖

贈徐叔信

臨。叩。才。客。抱。琳。琅。香。積。寒。釐。日。共。嘗。豈。有。缺。聲。生。
旅。舍。但。欣。山。色。滿。奚。囊。藜。燈。終。夜。驕。霜。雪。酒。肆。頻。
朝。典。鸚。鵡。遊。興。不。因。遊。索。倦。尊。前。意。氣。益。飛。揚。

答徐宛虹司寇

敬。亭。分。手。歎。逢。疎。欣。得。新。詩。問。索。居。炎。夏。一。看。峩。
嶺。雪。好。風。長。襲。水。西。廬。徐。家。有。子。皆。天。骨。趙。括。窮。
年。愧。父。書。日。病。日。貧。頭。白。盡。非。君。誰。復。念。枯。魚。

元旦

趙氏淵源集

卷一

十七

山。堞。曛。曛。散。曙。煙。椒。花。香。泛。燭。花。然。羞。將。衰。貌。臨。
杯。影。又。見。春。風。入。鬢。邊。六一。儔。中。聊。逸。我。是。非。場。
外。得。忘。天。紅。桃。漸。煖。清。溪。水。仙。峽。堪。尋。舊。日。船。

送胡伯承廣文之休寧

君。自。高。飛。我。卧。偃。良。朋。從。此。怨。天。長。春。風。座。上。驂。
騶。擁。秋。色。簾。前。橘。柚。香。清。詠。遍。留。黃。白。岳。閒。官。偏。
愜。墨。茶。鄉。為。言。多。索。芭。蕉。種。時。寄。酣。毫。到。草。堂。五六
細切

答史大玉觀察

淨。名。一。室。卧。荒。唐。五。載。深。林。杖。屨。藏。人。世。曷。猶。存。
姓。氏。使。君。偏。自。畧。鸚。黃。桃。潭。鴈。到。天。初。雪。蘭。署。牋。

長墨帶香。遙憶金焦濤色壯。追隨何日詠兼觴。

寄黃吉叔

晴風幽靄靜山家。燕子欣之綠樹斜。高卧不知消
歲月。良辰何以答鶯花。空齋食字頭堪責。病骨經
春髮易華。為報園林新筍美。好來痛飲話烟霞。

外似和易

近人中多羽聲激
楚公詩大抵然也

董澤人過東園

不拂清飈十六年。碩人雙髻故黥然。胸中餐徧三
山露。笈裡攜歸五岳烟。幽塵日新元箸致。竒情霞
綺遠遊篇。草堂松火蕭々坐。活得春醪月在天。

趙氏淵源集

卷一

十八

程翼蒼太史過訪文燕齋

官袍彩筆擅風流。天祿芸編校已周。休沐暫從劉
向請。山川良快子長遊。骨高老馬何堪顧。坐近芳
蘭別自幽。千載青蓮豪詠地。聽君續滿水西樓。

三四新警

贈高德符二尹

巖鄉百里保釐深。每到鬚眉爽我襟。單騎屢探爰
兕窟。澄潭堪寫使君心。詩豪向客揮千詠。吏傲終
朝擁一琴。最愛五松巒壑勝。可能興蔚敵山陰。

過徐敕五七里山堂

蟠壑迴溪幽且夷。高人端合宅于斯。梅花深擁林

浦。夢。庭。石。時。娛。米。芾。癡。漫。興。雲。嵐。能。作。古。盈。胸。磊
塊。偶。形。詩。畫。師。詞。客。長。兼。擅。歛。衽。奚。尊。軻。水。維。

題自畫蘭

說。獨。立。香。色。先。纔。堪。入。香。色。請。君。問。秋。蘭。應。作。如。是。

山居

薄。日。輕。陰。天。氣。靈。雲。活。水。山。家。春。夢。濃。于。楊。柳。新
醅。嫩。似。梨。花。秀逸

畫蘭

一。月。斷。肉。山。卧。寬。春。陰。帶。雨。禽。聲。寒。魚。處。可。借。高。
趙。氏。淵。源。集。卷。一。士。傳。幽。蘭。寫。向。案。頭。看。古峭

臨池自嘲

垂。白。空。操。筆。似。椽。誰。將。珠。瓚。換。雲。烟。饒。君。縱。得。眉
山。價。也。要。遲。留。五。百。年。

自答

年。之。歲。之。浪。塗。鴉。戶。屨。如。雲。鐵。葉。斜。莫。笑。鷺。羊。都
寂。寞。有。時。瓜。蔔。儘。盈。車。饒有風致

自畫蘭

畫。蘭。不。似。秋。秋。米。芾。癡。影。興。雲。嵐。能。作。古。盈。胸。磊

趙氏淵源集

卷二

紹祖手鈔

男國楨校

趙知希字太音號環石康熙庚子舉人以內閣中書出宰館陶調奉新又調貴溪並有仁政所蒞之縣共縣人皆如家人父子旋陞晉州知州甫抵任以憂歸遂不復出年六十八卒卒後奉新民為請於上官入名宦不許遂私為立祠所著有環石齋詩集八卷集李昌谷

詩七律一卷涇川詩話三卷

張湘門曰太音詩大抵取材中晚出入宋元不

趙氏淵源集

卷二

肯高言漢魏摹擬盛唐而自有盧山真面耐人尋玩 葛開橋曰太音才豪氣盛同輩避其鋒而詩獨中正和平奇情言外令人不可一覽而盡 胡凌九曰刻屈孤深自立門戶奇不說皇墳古不飾憂鼎險不矜矛戟稱心而發惟自適其性情 翟及三曰太音清切雅健寄托深每一篇出輒令我流連諷誦欲歌欲泣 頴存曰叔祖詩生新雋永長 獨造而氣韻深穩不落旁徑故意內意外自別有一種耐人咀味之處集中近體擅長七絕尤妙

擬古

忽々已忽々。歲月如流雲。相去咫尺間。邈若河漢分。與君會面時。豈謂托慙勤。古人億萬載。陳苑心尚存。胡為百年內。更變不可論。妾有湘妃竹。妾有石榴裙。開筇再三歎。持之難贈君。

颯々秋風馳。撼々秋葉落。皎々秋月明。冉々秋雲

薄。魏、絕頂寒。兀、出高閣、中抑何有。鳴琴動清。漢。借問彈者誰。鍾期已不作。臨風厲好音。母乃有遠托。

李秋草木哀。迢、廣漠野。人生天地間。胡為遠行者。攬轡悵徘徊。淚下如泉瀉。誰家嬌冶女。當壚幽且雅。魏鬢四時芳。楚腰纔一把。粲、美流星。回波不相舍。北風吹越鳥。南枝拂冀馬。獨有盈觴酒。對此不能下。

上山採木蘭。下山採辟芷。藏之襟帶間。十年不敢啟。衆芳以為身。將以遺吉士。與君為夫婦。乃從結

趙氏淵源集

卷二

二

髮始。旦。晚。有。纖。瑕。邱。山。為。之。累。君。非。執。高。節。賤。子。又。何。委。

美人在雲中。翩、好顏色。雲路迥且長。可望不可即。我欲從之遊。恨無雙飛翼。薄言採蘅杜。炷之銅爐側。芳草已成。仄。佳音來。不來。

清晨出門來。陰雨淒為露。朝日生東山。殘紅未辭。樹。躑躅復躑躅。行與所歡遇。此生分永別。乃有浮萍。晤。拭衣看曦光。或恐夢中錯。倉卒故人心。未必人心。故脉、不得言悠、從此去。葛聞橋曰數篇大抵多為朋友而發纏綿感慨

夢亡弟敬承

死者將已週。入夢何栩栩。情知爾非生。且喜爾病愈。瘦骨立如鳩。衣衫破不補。躑躅泥路傍。飄搖復涼踈。倉卒隔幽明。情發不我拒。扶爾入室來。上下重摩撫。晚視此形容。涕下如并雨。勉今宜強飯。默無一語吐。從容探袖間。殷勤為我取。蓮栗各一函。函上綴字五。彷彿爾所云。死人宜美土。粟背多芒刺。蓮心知爾苦。宅兆得非安。我心如鎖。斧雖云是夢中明。目所覩。起問夜何其。霜風滿環堵。葛閣橋曰情文

相生讀之使人心惻

趙氏淵源集

卷二

三

關山月

天山懸玉弓。萬里飛沙白。塞門融冷光。朔草枯不澤。笳聲澈夜號。酸風射瞳碧。何堪此清輝。照我長征客。征客夜不眠。起坐腸內迫。閃爍然鐵衣。流星動畫戟。却憶夢中人。應擣霜天石。丈夫志四方。會當裹馬革。悲歌滿關山。回首增太息。十萬征夫淚。一夜盈沙磧。張相門曰音節高亮此首頗近鮑照

菜羹吟

有序

鄭少翔先生家居有古人風對客每設菜
佐酒首唱是吟同輩壯其志錯綜和之

造物貴生意。飲食乃其常。飲食而役之。生意恐不長。富者厭珍羞。貧亦慕膏粱。可憐竭山海。都為口腹忙。古人制飲食。而不厭其詳。菜亦可作羹。留與我輩嘗。悠然空瘦影。菜羹鏤空腸。世人腸脆薄。鏤之不堪狀。所以聖賢心。七竅美中藏。鄭公雅閉戶。四壁擁縹緗。有六祇自貴。無肉竟何妨。白眼看流俗。伐木矢滄浪。折簡招同志。把袂俱登堂。塵甑蓋已熟。對食坐匡牀。爾時先生意。軒舉騰雲驤。曰予慳以嗇。曰予慨以慷。浩歌發清籟。終吾生徜徉。乾坤此布衣。天地一空囊。

張湘門曰有用人方耐得此等境界亦有用人方得此等詩歌

趙氏淵源集

卷二

四

蘭亭三友圖歌送沈補蘿別駕

有序

蘭亭三友圖者補蘿沈先生暨金壇王虛舟新建裘魯青而三也。圖作于雍正之元年。嗣前後數十年間。裘王二君即世。至乾隆甲子。而補蘿以別駕攝涇篆。行笈猶什襲斯圖。每展卷必泣然念亡友曩辱命題。余未敢率爾下筆也。今補蘿行矣。乃作短章以告從者。固不敢自附於卷末。聊以當驪駒之歌云爾。

補蘿令于涇。大似雍邱米。書畫滿船來。文石盈袖

裏。余本下邑民。謬為補蘿喜。高情騫烟雲。妙論濯
塵滓。往余遊京師。走訊虛舟子。虛舟官黃門。乃抱
相門耻。短章攄夙抱。一官如敝屣。余固愛其人。問
字兼載紙。虛舟曰不然。未逢補蘿耳。嗣又遊西江。
數。表氏里。樓閣連城陰。奕葉誇金紫。誰能拔清
流。魯青屈一指。我欲訪其人。道云官裏死。太息伊
人亡。蕭條空洪水。躑躅五十年。未遇天下士。晚乃
倦於遊。還山逐蓬蒿。誰知泥憶雲。歸求道在邇。令
君逢補蘿。望塵霍然起。風高絕纖翳。淵澄洞見底。
鮒豈涸于泥。鸞迺棲乎枳。粹然抱大化。偶亦遊小
趙氏淵源集

卷二

五

技。因憶虛舟言。回首歎爾。欣慕與執鞭。屈志為
進履。因得窺瑤函。竊見三友美。補蘿時年少。王裘
與肩比。域中鼎足懸。海外神山峙。開圖露精英。雙
淚落紈綺。茫。四海中。悄然悲知己。展卷擲向吾
君。其跋其尾。緬忌瓊與瑤。奮筆起還止。吁嗟補蘿
翁。五十而筮仕。邇者令于涇。不自涇川始。轉旋陵
陽間。三仕還三已。補蘿曰噫嘻。么麼何足齒。何戀
釜中魚。况此槐安螳。櫻筍及鮪魚。海鄉饒清旨。拂
袖歸去來。無重吾腰累。臨別獻巴人。譬之河東豕。
歷。書見聞。下士笑而哆。不問覆君誠。且以舒余

鄙。

李夫人歌

玉絃刷風鸞膠折。碧泥生埋燕支雪。三十六宮空
其羣。禁掖無光漏聲咽。茂林劉郎渴思煩。珊瑚夜
擣眠青魂。甲帳秋風寒不起。銅人淚滴珠盈盆。請
為攝神陳酒肉。方士者誰夫人族。魂兮歸來夜色
迷。是耶非耶艷注目。可憐霧障桃李花。可憐水底
月光華。翠罌搖燭光。冷欲就不得。籠紅紗。姍姍
其來何窈窕。冉一。一去何縹緲。少翁萬戶不足封。

長門買誅千金少。

胡凌九曰珠鍊似長
吉而神韻似初唐

趙氏淵源集

卷二

六

江南意

木蘭艇子碧油色。碧浪層翻木蘭檝。江南女兒朝
採蓮。恰似蓮花出。荷葉錦衣公子小紅船。多港
小船乍聯對面。咫尺不能語。又似叢開並蒂蓮。船
來船去急如梭。鴛鴦隊裏聞櫂歌。回頭相看。不
見無數鴛鴦還。在河。胡凌九曰初唐
體製六朝風韻

王郎日殺雙虎歌

有序

王郎為家季重同年生。升甫子年十七讀
書深山中。一日斃二虎。邑侯萬枚卜廉得
實旌錢二萬。余作長歌贈焉。

王郎弱冠名家子。夜半讀書深山裏。山人傳呼虎
過門。牛鳴犬吠愁無魂。王郎耳熱喜真虎。尋常畫
虎正無補。手提短箭夜登屋。眼看四壁雲如堵。須
臾怪風風出林。風吹肌粟骨成冰。黑電斜馳星一
點。獐犬爬羅聲半信。王郎手疾開絃著。風回電斷
明星落。轉瞬又覺怪風腥。暗中驚看虎猶生。王郎
再舉尤可喜。一矢正透黃斑耳。從容下屋提燈尋。
瞥見二虎顛倒死。明朝里正報縣官。縣官驚把王
郎看。五尺僂軀未勝衣。十七垂髻才著冠。一雙猛
虎傳歸庫。二萬青蚨准壓盤。奇才自古心相許。我
趙氏淵源集 卷二 七

射金門莫向山中作馮婦

楚王怨

漢明帝永平十三年楚王英有罪廢徙涇縣賜湯沐五百戶十四年英自殺詔以諸侯禮葬于涇

離々山上苗。條忽移澗底。昔蔭百尺條。今遠澗邊
水。男兒幸出帝王家。天生茅土供豪奢。尋常不飾
猶簠簋。胡為遠徙天之涯。辭玉輦兮道路賒。涉河
洛兮歷淮沙。褰帷幕兮哀啼鴉。來至涇兮我心如
麻。君不見尺布縫斗粟。舂泣煮豆悲剪桐。五百戶
湯沐窮山深。誰識楚王宮。蕭々白楊生悲風。

石鼓山歌

山在邑東相傳馮唐嘗居此擊鼓
集賢客一云陳後主擊鼓召客

黃峴之西白馬東。一盤石鼓懸當中。團團如鏡鬱
清空。灣灣如月孕琳宮。周王用以刊車攻。刀鎚不
受廢。芟礪何年白。鵠羈樊籠茂。先休伐蜀山。桐我
訪野說。旋不同。譬諸小兒談鴻蒙。或曰馮唐老龍
鍾。閒時擊鼓招賓從。或曰後主宴臣工。後庭花裏
拷冬冬。茫茫千載無。問處慘淡。茲山自今古。我來
徜徉山之傍。獨對空山擊石鼓。以上二首皆和鄭
漢林涇川雜詠

主讀讀書水西寺夜感

夜影倍淒然。寒燈伴客眠。不知花滿地。遙覺露經

趙氏淵源集

卷二

天月色餐紅樹。鐘聲咽碧川。我來懷李杜。獨立自
生憐。

暑閣凌秋迴。稠烟帶雨垂。禪安萬籟寂。月落一燈
隨。詩思頻勞夢。幽懷欲寄誰。絕無人跡處。况復夜
闌時。

雨後石山道中

寒風搜石骨。雨後馬蹄稀。客子頻籌驛。歸心驟見
暉。瀑高聞水立。霧定覺山飛。愁并暮天色。鐘聲下
翠微。

觀漲

山塘

東坡云一云少陵
山在馬東時動海每言五言七

幾日綿風雨。奔騰到石關。船多趨樹。河面不依灣。水濶浮高地。雲迷見矮山。棲遲幽谷客。一枕聽潺湲。三四如畫

過幕山訪翟及三

不覺山居寂。春風信有知。開門客到處。深柳鶯啼時。花落青苔逕。人吟白雪詩。十年慙舊約。對景獨迷離。

賦得寒天留遠客送翟及三歸里

如此寒天色。行。且復留朔風。吹萬里。別意惹三秋。細味尊中螿。應憐江上鷗。他鄉能有酒。莫管驕

趙氏淵源集

卷二

九

驕。張相門曰詩以意態為工。此殊不負。

南昌寓感懷

旅夜不成眠。愁深三月天。鄉情爭下榻。春夢上歸船。飲少頻過聖。碁低每自賢。可憐閒歲月。去住動經年。三四入情非同湊泊

至田家

畢竟田家好。偶來幽興存。農桑自衣食。學校長兒孫。聞犬歸迎客。聽雞促具殮。癩牛與癭樹。斑駁倚柴門。

途中乞茶

老樹纏藤蔓。春來亦著花。過橋沿曲澗。覓路到田家。
穉子能驅犬。家人喜具茶。可知王政近。何用乞胡麻。

赴京途中遇雪用唐人韻

長劍倚千里。孤征值九天。凍雲堆大野。密雪暗前川。
羸馬方疑路。飢鳥下啄田。未知瑤島近。先看玉生烟。

秋夜船行用唐人韻

秋水澄鮮月。扁舟接遠輝。蛩鳴知岸近。雁下識潮歸。
宛轉雲帆寂。飄搖楓葉依。欲沽酬不寐。相趁一

趙氏淵源集

卷二

十

燈扉

浦口

霜鬢照行旌。風帆颺浪生。潮乾移故埠。月出閉孤城。
候館無南馬。居人數北程。明朝事結束。永夜望鄉情。

馬湘蘭墓次徐荔村韻

墓在古寺側

此地棲禪久。埋香幸尚存。落花紫曲砌。流水去前村。
鳥過頻遺粒。僧閒與掃門。色空、色盡雲雨作

芳魂

雅情恰與題稱

旌陽道中

歲暮獨南征。離家已二程。雲方纏足起。人自抱山行。問歲驅荒市。臨昏叩古城。少年文戰地。歷歷倍關情。

殘雪

霽色破瓊瑤。零星散遠郊。寒羊啣故壑。飢鳥認歸巢。翼瓦歌斜出。蔬疇摺疊交。尤憐風日好。流韻到松梢。

村燈次閔玉井韻

茅屋列成村。亭臺返照新。槿籬逗野火。甕牖飯家人。縛葦宜相望。無膏聽鑿鄰。宵行雖可詠。塞堦憶艱辛。

卷二

十一

市燈次焦五斗韻

罵塵欣乍息。秉燭美清遊。風月誰當主。笙歌自上樓。星隨列肆布。影逐擔行浮。不是金吾禁。三更合未休。

戍燈次吳補庭韻

令自將軍出。燈高野戍中。極天萬里黑。界地一星紅。隱現隨寒兔。高低認塞鴻。清時能禦暴。未用泣途窮。

容懷叔氏岑若

蕭蕭蓬戶對淒然。半卷殘書委冷氈。孝友如君天下少。文章獨我一人憐。觀中擬共尋蝌蚪。花裏相逢聽杜鵑。好理清樽酬寂寞。莫教醒眼看龍泉。胡妻九曰

意態激昂

登采石磯

吳楚奔流入海空。一坏獨向大江青。蛾眉遠峙天門合。犀角燒殘水國腥。煙裏漁歌聯野渡。軍門餘壘覆寒汀。持杯且酌謫仙塚。捉月當年兀自醒。張相門曰

健雄

訪霽峰上人不過

趙氏淵源集

卷二

十二

小船西去大橋回。兩岸鐘聲并入洄。捫蝨殘僧閒背日。迎人獐犬吠如雷。老楓刺葉微。落野燒餘煙冉。堆自是白雲。朝出岫。寒鴉空噪講經臺。

沈士衡先生暨同學諸子過訪幕山

竹嶼雲門別一區。悠然風雨坐吾徒。晉人大抵皆名雋。魯國於今獨老儒。久濶臯比踈。問字等閒詩酒孰。當塗幕溪此夜東。流水一櫂春風笑。荻蘆

和翟及三幕山晚眺元韻

高峰落日迥蒼冥。有客憑欄擁翠屏。曲岸人家零碎屋。回巖古木短長亭。歸帆幾點趨寒浦。村牧聯

行下晚汀。遙擬荒城。皆在望。爨烟稠處。應留青。翟及
中晚佳境一結彌見情致可謂善道人意

甲辰春過海淀

先帝離宮舊沼臺。天街如水淨無埃。等閒策杖循
牆過。多有芻蕘墮。淚回仙掌滴殘銀。漢露龍頭咽
透玉泉堆。可憐堤上閒桃柳。又是春風一度來。
張湘門曰

風景依然令人不忍卒讀

海淀酬翟及三

三年身世類飄蓬。客裏尋春且喜同。聯袂有情傾
北海。吹人無賴是東風。千門蕩漾花交柳。百鳥啁

趙氏淵源集

卷二

十三

嘲鷄笑鴻如許。風光歸未得。驚時感事酒盃空。
九陌春光花事稠。看花遮莫客皇州。劉伶醉後還
依鍤。王粲情多自上樓。萍跡五年勞屈指。雲鄉千
里漫回頭也。知對泣成無用。珍重春風護敝裘。
張湘門曰

二詩有意外筆隨之妙

濟南旅舍用壁間韻

馳驅自昔別親闈。恰似鴉雛試翮飛。每倚柴門教
上馬。多從驛路盼斜暉。拂塵審視風霜色。警惰休
將志願違。今向高堂誰問訊。墓門長跪告兒歸。
張湘門曰

讀此乃傾我老淚幾許太音故是至性人

館署寄長垣胡二彬仲

君馳華轂歸鄉日是我長安下第時屈指五年分
馬首計程三日隔芝眉星同河北頻窺野夢繞江
南漫捲帷祇恐還家同把臂鱸魚膾熟鬢成絲

有白香山風味

張湘門曰

庚辰重九登烟雨亭偕同學諸子赴湘月和

尚約用工部韻

秋明何處眼曾寬烟雨亭高聚客歡徑反自合容
敞。屐風高不應戴巍冠百年短髮吹無憾九月貂
裘思更寒不是遠公頻載筆多時紅葉未來看

選本或改

趙氏淵源集

卷二

十四

合字為能字應字為合字似可不必

蕭蕭木葉萬山哀雲靜當空一雁回九日共君談
往事八年搔首却重來風光如舊頻窺檻登眺無
勞更上臺看徧秋山緣底事盡將幽意付莢杯

張湘門曰

二章調高氣勁風趣頗近小陵

早發恩縣

露寒塵軟碧霄空已戒行裝逐曉風岸柳影交車
幕上板橋聲在馬蹄中踈星欲沒雲頭白朝日初
翻海底紅恁早不知緣底事忙身已過山東

張湘門曰

意態飛動

過新嶺

自古支離鑿不平。半雲半雨半天橫。挨肩一似磨
梁。蟻拔步還如著屐。猩山勢遠從江左。濶水源直
向浙東清。可憐通與人間路。呼吸無能接玉京。賴存
曰三

四尖巧極矣五六脫開
向大處寫氣局一振

病馬

誰駕鹽車困紫騮。脫銜無力卧沙邱。任鞭厮養慵
開眼。為顧孫陽強舉頭。闕塞幾年思奏凱。中原有
客覓封侯。情知駿骨終為寶。不忍千金減價售。

翟氏婿以桃花亂落如紅雨請賦

趙氏淵源集

卷二

十五

翩然辭樹下。瑤宮幾日春光徧。落紅好去作雲兼
作雨。等閒成色轉成空。學梅應傍腮邊映。和絮還
與集。散同回首不堪枝。滿子講經臺畔看衰翁。用意
深婉

末句借用談
經雨花事

女將

虎視千軍似此雌。肯將巾幗贈男兒。五花陣列斜
侵髻。細柳營開獨映眉。酷令但嫌孫武薄。改妝端
笑木蘭痴。大為節義開生面。誓海如今更誓師。

儒將

風流莫怪老書慵。王佐由來出聖宗。偶著碁經教

客侶新編鏡。唱肅軍容。八公草木。從安石。三顧風雲起。卧龍牙將封侯。奴僕貴便教長揖去。歸農

丁巳西山道中感懷

年、碌、在風塵。倦馬剛駝困頓人。未有祿糈供子職。反將兒女累慈親。溪山看慣尋常畫。南北飢驅十四春。此日空門勞悵望。白雲深處更傷神。

舟過潯陽關口望望湖亭

和斗文作

亭高湖迥氣冥冥。湖泊亭欄若建瓴。畢竟全湖皆在望。翻教人望、湖亭。東南風勁千帆直。大小姑來二髻青。楓落悲吟何處客。潯陽司馬動清聽。沈歸愚曰

趙氏淵源集

卷二

十六

五、六有勁氣

金陵晚泊用唐人韻

烟凝槐柳綠陰叢。倦客停橈類轉蓬。水市樓開燈映月。石城花落曲傳風。細思六代銷金粉。剩有三山駐碧空。此日夢魂惆悵處。角聲頻出女墻中。

送雲翔四弟回里并答留別

遠宰新吳志未伸。子由相與慰清貧。驚心言語頻繁夢。得意詩篇若有神。七載不遑烏反哺。四秋惟喜雁來賓。原唱云七年來往四清秋白雲攜手同瞻顧。忍作天涯

送客人

謝氏風流爾最嬌。為誰作客泛輕舫。波頭顧我重回首。江上何人惜折腰。風捲枯蘆鳴夜雨。浪分寒槩逐歸潮。瘴煙隨地宜加飯。更檢嚴霜上敝貂。十四年來南與北。虛糜終覺此身非。病過鏡裏容光改。老向尊前酒力微。門閉數移千里目。歲時空薦九仙薇。思量千百成何事。為卜春田待我歸。數月微吟太瘦生。堦簾吹動故園情。一回命酒猶催句。是處留題合寄聲。黃髮有期看豹隱。青氈無恙聽鷄鳴。高堂莫訝歸來晚。萬轉千回出奉城。林曰

讀四詩并雲翔原唱令人油然生孝弟之心

趙氏淵源集

卷二

十七

奉新署內梧桐

意欲凌霄迥出牆。畫樓掩映聳孤芳。秋風鍊骨儲琴瑟。春露滋花待鳳凰。綠蔭下移雲錯落。清寒不動月中央。年來刻木成何用。空置龍門托豫章。張相門曰

三四寄托遙深知非俗又

咏影

寂寞相隨隱現中。百年常伴事何窮。精神自足凌陽鳥。氣馱無能殺射工。秉燭趁遊良有以。侵晨對舞意還雄。冥心悟破虛無底。一概忘機兩空空。刻畫而不

纖巧結更透過一層是加一活寫法

得替後移居感意

一椽猶得半間分。西舍亭。依此君。夜雨苦。憐填海。鳥春風。喜釋負山蛟。上弦月。是下弦。月今日。雲非昨日。雲好買一帆。歸去也。祇將薌草告先墳。

和詹涵川送別原韻

有序

涵川同寓而訂交者垂十年。會先後俱調。隸信陽更密邇。教益辛酉。余謬膺北遷。已行矣。而涵川有會城之役。遂不能握別悵。甚自信。抵弋沙。磧月光之間。隱泊數舟。或疑為涵川也。急呼之。響應焉。遂登舟拜別。并出送余行之句。讀之中有却教載月。望行舟之句。相顧風景宛然。愈歎涵川之交。有道而文章有神也。因次韻答之。

趙氏淵源集

卷二

十八

長河激灑月同流。落相逢。酒一甌。五嶺雲霞。高駐節。三吳風雨。下歸舟。月光偏照人生別。酒力難禁客意秋。便有繁花惆悵處。為君獨上最高樓。

答四弟雲翔贈別原韻

時將之任晉州

還家匝月總縈愁。幾度牽衣去。復留拙性。應知安刻。鵠痴兒。還與教為裘。側觀沙上慈烏意。更聽林間好鳥求。如此別離如此語。一舟安得任悠悠。

湘妃廟用劉長卿韻

伊昔蒼梧沈二女。至今遺廟在江濱。祇宜湘水頻
添淚。不信巫山敢作雲。琴瑟遠垂宮寢澤。山龍親
補帝妃裙。長廊莫種斑斑竹。月落猿啼不可聞。
葛蘭橋曰

三四語
有關係

從紹興抵蘇州途中口號

橋李山前無牧馬。虎邱河上有飛蓬。五湖煙水春
風裏。一國池臺落照中。忽去忽來西子老。旋亡旋
霸楚猿同。甬東石室皆兒戲。畢竟吳王氣概雄。
沈歸愚曰

夫差勾踐
得此論定

趙氏淵源集 卷二

十九

發弋陽

攬轡層郊信宿行。應憐風物最幽清。樟柯暗與山
相補。松葉微依水作聲。絕頂有花蜂亦至。野田無
主鳥催耕。莫將好景匆匆過。隨處流泉可濯纓。
葛蘭橋曰

風光細膩非此
妙筆不能達也

登清涼山寺和壁間查法二先蓮韻

清涼不負舊名稱。閒過高岡又越陵。二月官梅款
曲徑。六朝古木隱殘燈。疎疎結構他年話。
時新構草亭

蘇江山我輩登。再向中公留客處。影堂長閉問諸
僧。

金陵自昔厭繁華。絕頂清涼四望賒。桃葉向從何處渡。莫愁今在甚人家。鳳凰習、天無際。龍虎迢迢影半遮。更想桓伊吹一曲。江城萬井徧梅花。

更疊前韻贈王湖山七兄

時飲余於清涼別業二世兄皆在座

汪洋叔度昔同稱。別業新營對穆陵。弄我金蘭今白首。羨君玉樹共青燈。看花教與團、酌覽勝相期緩。登沈醉歸時情不盡。竹窻明月話山僧。對君那更惜年華。輸與醇醪飲倍賒。白雪調高誰唱和。烏衣巷老此人家。堂開昨憶三槐盛。徑曲今欣五柳遮。擬以調元付元季。庭前恰是兩梅花。

趙氏淵源集

卷二

二十

夜泊玳橋

江鄉風味逼人清。舟泊微茫近二更。酒舍客從橋上語。漁家燈傍柳邊行。兩條圩坵東西壁。一線溪光上下明。乘醉高吟和夢去。月穿篷隙暗潮生。

訪菊和姪良猷原韻

長年無事不窺庭。惟憶南山一點青。膝下清吟為遣興。霜前逸客送餘馨。因從籬落刪蕪草。檢取秋容入畫屏。先把三杯酬傲骨。涼風吹汝不須醒。

秋日晚眺

辛未九月用唐人韻

錦葉蕭、強半飛。白雲深處午鐘微。滌場客盡穿

膝過歎。歲人多。劇葛歸。秋迥四山開。野菊天高一鴈下。斜暉西風不用吹。絺綌萬戶方今未授衣。

和鄭傳與弟雲翔姪獻其清明遊水西韻

往登樓便是遊。吾家正對水西頭。清明時節三人醉。烟雨中間一葉舟。楊柳牽風隨往返。桃花流水任沈浮。與君吟弄憐芳草。信有年光不可留。

起筆 起甚 廿一弟然乙謝校詩原韻

舊著昭儀第一篇。新排五十杖頭烟。少陵難字庸教過。靖節忘言豈復詮。敢買燕支塗虢國。愧持丹

藥贈神仙。昨朝寄我池塘草。頰上三毫更宛然。

趙氏淵源集

卷二

廿一

喜寰宗上人歸自鴉江

南國名流合有卿。放歌日盼歸程。烏啼竹院披

雲入。人踏花橋倒屣迎。攜友判留溪月飲。與君重話石頭城。鴉江社侶休相妬。惠遠陶家是舊盟。

意雅音和丰 度正不可及

挽施澹吟

伊人名與說鴉茲。李賀清狂杜牧悲。我輩愛才且如命。老天生此竟何為。日斜江上雲迷樹。花發湖邊酒滿卮。底事尊前惆悵極。有人曾唱曼郎詞。

鄭漢林曰

意態淒涼
聲情悲壯

小天竺探梅

透閣穿林未敢遲。古香破臘卜前期。高關禪客舒
眉日。空谷佳人半面時。忽地鳥飛枝自動。幾經雪
壓樹全欹。榛蕪為掃。曾來徑。再待三分報。我知
覽照和宋蘇滄浪韻

白髮聯髯骨露稜。忽然覽照劇心驚。嗟余久瘵憐
同病。與子忘形合耦耕。落莫看人真可恨。絲毫
假太無情。過來歲月誰曾憶。虧爾青銅一。一明
遊虎邱山寺和宋王小畜韻

趙氏淵源集

卷二

廿二

水有清音山有顏。沃州憑水復憑山。當年虎氣干
霄上。此日僧行落照間。響屨不留磐石跡。劍門誰
削土花斑。空令千古興亡淚。灑向五人墓下還。

哭葉千里

有序

千里總角友也。唱和劇切。晨夕無間。後予
走四方。遂相契濶。然一歲中聚首者猶數
日。癸卯余北上。至巳酉歸。自山左而千里
以是年領鄉薦。辛亥余羈江右。十載至辛
酉歸。老于里而千里仍數。公車其間。或
數歲。或十數歲。始得一面。辛未會試。榜發

千里成進士而竟于榜前一日卒于長安
邸舍嗚呼其竟不見我千里矣千里年六
十禮闈屢蹶而二十餘年往返不懈今成
進士矣雖死何憾獨惜天下人莫不知千
里為進士而千里竟未之知也計其所有
知則依然裘敝金盡困頓逆旅賫志以歿
焉已耳顧天亦何難假此片時俾鰥生之
一瞑目于重泉耶弟季重計偕同館舍殯
時于衣帶間得闈墨草稿三首蓋伊生時
之不欲令人見者嗚呼痛哉

趙氏淵源集

卷二

廿三

十。上。春。官。志。未。移。茲。心。終。不。負。男。兒。山。遙。水。遠。家。
何。在。竹。實。桐。花。鳳。不。知。竹死桐枯鳳不來張枯句也余反
而用之警雖不逮而悲則有餘矣騰。
有。佳。又。藏。夾。袋。誰。分。餅。啖。到。靈。輻。河。干。一。慟。浮。生。
盡。痛。既。無。常。悔。更。遲。

次弟雲翔寒食至上已經旬苦雨原韻

霽。雨。綿。燧。火。微。更。無。脩。楔。出。寒。扉。南。宮。卷。畫。窓。
開。得。北。海。懸。尊。客。過。稀。撥。悶。詩。篇。權。當。酒。乍。時。寒。
爇。最。難。衣。憐。他。擁。絮。吟。春。草。九。十。春。光。一。半。違。張芸
墅曰

神完氣足朗吟一
過令人矜躁俱平

和沅苕冬日登窺鴻閣即景見贈原韻

最喜臨窓山。自來天風無際撼。層臺忽聞小阮題。
詩至絕似江梅笑。雪開折簡微吟。剛數過。暗香隨
息已千回。君身仙骨雲霄近。慙愧鰕生老。盡才。偉堂曰此

叔祖絕筆之作即與余唱和者而氣
盛辭雄神明不與人隔真是異事

探梅

帶雪問梅花。有約今當赴。祇發舊年枝。雪深迷去
路。

老樹故遲。春風笑滿枝。我來莫恨晚。蝴蝶未曾
知。

遊春曲

趙氏淵源集

卷二

廿四

畫檻明樓近酒家。酒家門外漫停車。欲行取次難
回。顧暗算當門幾樹花。葛開橋曰
丰神絕妙

聞子規

春三月淡草初肥。梅子仁生柳絮飛。剛聽鷓鴣行
不得聲。又喚不如歸。

偶憶

竹牙初解宮商意。盡日耽懷總在琴。一遇鐘期永
不復。誤人廢曲是知音。頽存曰婉曲微妙令
人讀之不能自任

靖安道中

一層山徑一灣田。信馬春風趁柳鞭。野鳥避人飛

又住藤花開上古楓巔

舟泊滕王閣

雲山烟浪過清明。客近南天雁北征。日暮夕陽樓閣迥。寒潮空撼豫章城。
子安作序太冬烘。秋水落霞兩句工。今日偶從城下過。買絲祇合繡閣公。
張芸墅曰創論却是至論

明妃

粉黛三千畫不真。琵琶別調一番新。單于莫漫誇顏色。妾是天朝迸出人。

明妃圖

趙氏淵源集

卷二

廿五

紛紛遊騎厭黃塵。萬里枯沙一點春。千古同心仇畫士。可憐還作畫中人。
張芸墅曰二詩持論俱新全無俗韻

閱邊圖

前明萬曆辛巳邑人蕭彥以戶科給事中奉命閱邊檄外繪圖藏于家

九邊誰倚作長城。萬國呼來拜上卿。節鉞如林看不見。依稀壇上是書生。

偶寓

欲覓桃源過此生。未忘垂老賦閒情。豈知昨夜東籬菊也惹鄰家犬吠聲。

偶聽滄浪思渺然。清能見底浪層顛。可憐無限江湖力。不洗鮎魚背上涎。
偉堂曰二詩諷刺微婉然不知其所指矣

客有之揚州者作此留之

綠水縈波遠。統城紅樓十里管絃聲。祇綠看月人
心好。未必揚州月倍明。張芸墅白
說盡俗情

花蓋夫人

宮詞畫譜後庭花。汲井長竿出麗華。四十萬人添
一箇。從教依樣抱琵琶。即夫人詩意反
詰之詞婉而嚴

答希天春遊原韻

楊柳春風處。斜尋芳不定。阿誰家。訪君十日逢
君處。野寺僧田菜麥花。

山行

趙氏淵源集

卷二

廿六

杏雨霏微絕點塵。竹籬茅舍偶成鄰。山花開落年
年意。但識春風不識人。

偶感

鳳皇山下幕溪西。正是勞人送客隄。明月未來還
獨往。挑燈重照舊時題。

幾年逐逐賣風騷。不記源頭九曲高。九曲幕
溪山名我向欄
前頻灑淚也。應流作廣陵濤。偉堂曰寰宗客死揚州
此數首當是傷渠而發

憑君莫更說揚州。金碧茫然土一丘。深夜小狐來
拜月。無人知道舊骷髏。

書名	趙氏洵說			紙
冊數	1	版別		
議價	6元	年	月	通
編號	30446			區
	字	第	號	

北京市圖書出版業同業公會印製



